

№1043 2015 წლის 25 მაისი ქ. თბილისი

„ზუგდიდი, რუსთაველის ქუჩაზე (რკინიგზის მიმდებარე ტერიტორია) მდებარე არასასოფლო-სამეურნეო დანიშნულების 1600 კვ.მ. მიწის ფართობის აუქციონის (პირობებიანი) ფორმით პრივატიზების შესახებ“ საქართველოს ეკონომიკური განვითარების მინისტრის 2009 წლის 7 მაისის №1-1/962 ბრძანებისგან განსხვავებული პირობის დადგენის თაობაზე

1. „სახელმწიფო ქონების შესახებ“ საქართველოს კანონის 49¹ მუხლის პირველი და მე-3 პუნქტების შესაბამისად, დადგინდეს „ზუგდიდი, რუსთაველის ქუჩაზე (რკინიგზის მიმდებარე ტერიტორია) მდებარე არასასოფლო-სამეურნეო დანიშნულების 1600 კვ.მ. მიწის ფართობის აუქციონის (პირობებიანი) ფორმით პრივატიზების შესახებ“ საქართველოს ეკონომიკური განვითარების მინისტრის 2009 წლის 7 მაისის №1-1/962 ბრძანების მე-4 პუნქტით გათვალისწინებულისაგან (მყიდველი ვალდებულია, 2011 წლამდე პრივატიზებულ ობიექტზე განახორციელოს 500 000 აშშ დოლარის ინვესტიცია) განსხვავებული საპრივატიზებო პირობა შემდეგი სახით:

„მყიდველი ვალდებულია, ქონებაზე, რომელიც მოიცავს, მაგრამ არ შემოიფარგლება მხოლოდ პრივატიზებული ქონებით, განახორციელოს 500 000 (ხუთასი ათასი) აშშ დოლარის ინვესტიცია.“.

2. საქართველოს ეკონომიკისა და მდგრადი განვითარების სამინისტროს სისტემაში შემავალმა საჯარო სამართლის იურიდიულმა პირმა - სახელმწიფო ქონების ეროვნულმა სააგენტომ, ამ განკარგულების შესრულების მიზნით, განახორციელოს კანონმდებლობით გათვალისწინებული შესაბამისი ღონისძიებები.

პრემიერ-მინისტრი

ირაკლი ღარიბაშვილი